

PRUPOSTA PIRLIMINAR DI IKIPA: PRUGRAMA DI SUBSÍDIUS DI APOIU PA INTIRVINIENTI

I. INTRUDUSON

Na nuvenbru di 2024, Massachusetts dikreta “*un lei ki ta prumovi un redi di enerjia linpu, prumovi ekuidadi i na pruteji kontribuintis*” (“lei di klima di 2024”).¹ Lijislason stabiliseba divizon di partisipason públiku (“Divizon” ô “DPP”) na dipartamentu di sirvisus (“DPU”) i inkaregadu ku djuda individús, guvernus lokal, organizasons kumunitáriu i otus entidadi ki sta partisipa na prusidimentus di DPU i di Energy Facilities Siting Board (“EFSB”). Lei di klima di 2024 ten stabilisedu tanbé DPU i fundu di apoju pa intirvinienti EFSB (“Fundu”). Fundu foi kriadu pa presta asisténsia finanseru organizasons kualifikadu, grupus kumunitáriu i ditirminadus organismus guvernamental ki ka podi partisipa na prusesus peranti DPU i EFSB pamodi difikuldadi finanseru ô falta di kunhisimentus téknikus. Objetivu di prugrama di subsídus di apoju pa intirvinienti (“Prugrama”) é pa apoia partisipason signifikativu na tomada disizons rilasonadu ku enerjia i garanti ki é konsideradu perspetivas diversus sima nu ta fazi tranzison pa un futuru enerjétiku más ekuitativu i linpu.

Kel pruposta pirlimnar li ta diskrevi prugrama prupostu, ki ta inklui prusesu di kandidatura, kritérius di ilijibilidadi, nível di finansiamentu i modi i kuandu finansiamentu ta ser dizinbolsadu.

II. KONTEXTU PA PROPOSTA PIRLIMINAR

A. Objetivu di prugrama di subsídus di apoju pa intirvinienti

Tradisionalmenti, partis interesadu i sirvisus públikus ku rikursus finanseru sufisientis i/ô kunhisimentus téknikus ta konsigui intirvini i partisipa konpletamenti na prusidimentus através di kontratason di advogadus i konsultoris pa prumovi sés interesis. Grupus kumunitáriu, grupus ka inkorporadu lokal i munisípius más pikinotis, txeu bez, ten falta di rikursus i di kunhisimentus di prusesu pa involvi signifikativamenti na prusesu. Prugrama ta ben aborda kel nisisidadi li ki ka foi atendidu. Prugrama ta pirmi binifisiáriu pa kubri kustus di advogadus, tistimunhas spesializadu, konsultoris i peritus di kumunidadi, pur alén di otus kustus pa pirmi un partisipason signifikativu na prusidimentus di DPU i di EFSB. Finansiamentu di prugrama ta pirmi ki diversus vozis i pontus di vista for konsideradu duranti prusesu di tomada disizon di DPU i di EFSB. Kunpunti di istenson di prugrama ta ben apoia dizinvolvimentu di rikursus idukativus pa informa partis interesadus i insentiva un maior partisipason na prusidimentus.

B. Papel di divizon di partisipason públiku

Lei di klima di 2024 ta da divizon un tarefa di djuda públiku partisipa na prusidimentus di DPU ô di EFSB. Pa kistons di DPU, divizon ta ben da orientason na navega na pidi rikizitus, identifika opurtunidades pa da kumentáriu i intirvini i fasilita diálogu entri partis na prusesus. Ku tudu rispetu pa lokalizason i lisensiamentu sob jurisdison di EFSB, divizon ta ben djuda

¹ St. 2024, c. 239.

indivíduş, guvernus lokal, organizasons kumunitárius, kandidatus di prujetus i otus entidades pa navega pa rikizitus di konsulta i di involvimentu rijistu antisipadu, sklaresi rikizitus di arkivu, na identifika opurtunidadis di intirvenson, fasilita diálogu entri partis interesadus i djuda na kordenason ku otus autoridadis di stadu, rijional i lokal, ki ta inklui gabineti di justisa i ekuidadi ambiental (“OEJE”) na gabineti izekutivu di enerjia i asuntus ambiental (“EEA”).²

Lei di klima di 2024 ta inkarega direktor di DPP (“Diretor”) ku disizon sobri pididus di apoiu finanseru di intirvinientis i di administra tudu aspetus di prugrama. Divizon ta ben jiri pididus di subsídus, ditirmina atribuison di fundus, fazi divulgason di prugrama i manti un webpage ku un rizumu di binifisiárius di subsídus i di montantis konsididu. Sekson 133 di lei di klima di 2024 ta iziji ki DPU i EFSB, en konsulta ku OEJE i gabineti jeral di prokuradoria, pa divulga regulamentus pa implimenta prugram ka más tardar di 1 di marsu di 2026.

C. Prátikas di intirvenson atual pa prusesus DPU i EFSB

Atualmenti, maioria di pitisons pa intervini na prusesus di DPU ta ben di entidades ku interesis i ispiriênsia signifikativus, ki ta inklui rikursus di sirvisus públikus, gabineti di prokurador-jeral i dipartamentu di rikursus enerjétikus. Na prusidimentus di EFSB, intirvinientis ta inklui munisípius, grupus kumunitárius i indivíduş vizinhos. Partisipason na kês prusidimentus ta iziji jeralmenti rikursus substansial, ki ta inklui kunhisimentus jurídikus i téknikus di altu kustu. Kuandu kês nisisidadis di rikursus li ta inpidi partisipason signifikativu di partis interesadus más pikinoti, prugrama ten objetivu di pirmiti ki entidades ilijível ki podi ser más inpakitadu pa disizons involvi signifikativamenti na prusesu di tomada di disizon.

Rigulamentus atual ta stabilesi prusidimentus pa ki indivíduş ô entidades pa intervini na prusesus peranti DPU ô EFSB. Pa intirvini, entidades debi aprizenta un pitison di intirvenson dentu di prazu spesifikadu na avizu di prusesu, stabilesi modi ki podi és podi ser substansial i spisifikamenti afetadu pa un prusesu i sublinha natureza di provas ki és ten intenson di aprizenta.^{3,4} Disizon di aseita ô nega un pitison di intirvenson na prusidimentus di DPU é tomadu pa kumison ô pa ajenti di audiênsia ki ta superviziona prusesu. Na prusidimentus na EFSB, ajenti prizenti ta toma disizon final sobri intirvenson.

² Lei di klima di 2024, na sekson 10, ta fla ki direktor i ikipa di divizon ka debi partisipa komu ikipa di julgamentu, nen ka ta ben ten kualker kontributu ô kumunikason ku ikipa di julgamentu ô disizon, na kistons peranti dipartamentu ô na rivizon di pididus mandadu pa EFSB, nen ka ta sirvi komu konsultor jurídiku ô riprizenta kualker parti peranti dipartamentu ô EFSB.

³ 220 CMR 1.03

⁴ 980 CMR 1.05

Un intirvinienti⁵ é un parti formal di un prusesu ku direitu di aprizenta provas, intiropa tistimunhas i rikori disizons. Un entidadi podi partisipa di un manera más informal através di oferesi kumentárius na riunions públikus ô workshops tékniku i aprizenta memorial; kës partisipantis limitadu li podi da informason sen mesmu puzison jurídku ô pididu di rikori komu intirvinientis. Programa ta pirmiti ki sé ditirminadus intirvinientis pa ten asesu pa finansiamentu di subsídus; partisipantis informal limitadu ka é ilijível pa finansiamentu di subsídus.

D. Mekanismu di finansiamentu i autoridadi di avaliason di fundu di apoiu pa intirvinienti

Alén di lei di klima di 2024, ikipa konsultaba siguintis fontis pa kel pruposta pirliminar:

- Prugramas di kompensason di intirvinientis implimentadu pa kumisons di stadu di sirvisus públikus na New York, Connecticut, Michigan, Oregon, Maine, Wisconsin, Idaho, i California
- Rilatóriu di asosiason nasional di kumisárius reguladoris di sirvisus públikus (“NARUC”), disenbru di 2021, na [abordajens di stadu pa kompensason di intirvinientis](#).
- [Txeu inpakitadu & raramenti obidu](#): Inkurpora vozis di kumunidadi na prusesus di regulamentason di enerjia di Masachusetts, rilatóriu di gabineti di prokurador-jeral, maiu di 2023

III. **DISKUSON DI KUNPUNETIS PRINSIPAL DI PRUPOSTA PIRLIMINAR DI IKIPA**

Lei di klima di 2024 ta informa txeu konponentis di kel pruposta pirliminar di ikipa li, ki ta inklui siguintis seksons:

- A. Mekanismu di finansiamentu i autoridadi di avaliason di fundu di apoiu pa intirvinienti
- B. Ilajibilidadi pa finansiamentu di subsídus
- C. Tenpu di pididus di subsídus i disizons
- D. Kuantia di finansiamentu dadu
- E. Uzu ilijível i ka ilijível di fundus di subsídus
- F. Formuláriu di pididu di subsídiu
- G. Pididu di pagamentu di subsídiu i rikizitus di konformidadi
- H. Isforsus di divulgason i monitorizason di métrikas di programa di subsídus di apoiu pa intirvinienti
- I. Rivizon di programa di subsídus di apoiu pa intirvinienti

⁵ Un intirvinienti ten un involvimentu más perlongadu i podi imiti pididus di informason i resebi respostas; aprizenta dipoimentus skritus i tistimunhas; intiropa tistimunhas; aprizenta un rizumu; i rikori di un orden ô disizon final.

A. Mekanismu di finansiamentu i autoridad di avaliason di fundu di apoju pa intirvinienti

Sekson 10 di lei di klima di 2024 ta stabilesi fundu di apoju pa intirvinienti i pirmiti ki dotason⁶ pa ser kreditadu pa fundu. Alén di keli, sekson 10 ta fla ki taxas di inskrison di EFSB ta da rikursus pa fundu di apoju pa intirvinienti. Kualker saldu ka uzadu na fundu na inseramentu di un anu fiskal ta manti na fundu pa uzu na anus fiskal subsikuentis. Sekson 11 di lei di klima di 2024 ta autoriza kumison di DPU fazi dós avaliasons⁷ na inprezas di ilitrisidadi i gás dentu di jurisdison di DPU, i un parti di kada un é kreditadu pa fundu

B. Ilijibilidadi pa finansiamentu di subsidius

LSekson 82 di lei klima di 2024 ta autoriza DPU disponibiliza fundus pa partis ki ta resebi statutu di intirvinienti na un prusesu pa DPU ô EFSB.⁸ Tudu prusidimentus di DPU i di EFSB é ilijível pa kompensason di intirvinienti. Partis ilijível pa finansiamentu ta inklui: (i) organizasons i entidades ki ta difendi na nomi di un subkonjuntu rilivanti di klientis rizidensial difinidu jeografikamenti ô baziadu na interesis spisífiku partilhadu; (ii) organizasons i entidades ki ta difendi na nomi di populasons rizidensial di baxu ô moderadu rendimentu, rizidentis na kumunidades storikamenti marjinalizadu ô sobrikaregadu i karensiadus; (iii) organismus guvernamental, ki ta inklui ajensias di planiamentu rijional, tribus rikunhisidas nível federal, tribus rikunhisidus pa stadu ô tribus rikunhisidus pa stadu; ô (iv) un grupu di indivídus ki podi

⁶ Dotasons kreditadu pa fundu di apoju pa intirvinienti podi inklui: dotasons ô otu dinheru autorizadu ô transfiridu pa tribunal jeral i spisifikamenti dizignadu pa ser kreditadu pa fundu; un parsela di avaliasons anual ki ta rikodjedu djuntu di inprezas di ilitrisidadi i gás sob jurisdison di DPU; un parsela di taxas di inskrison pa konstruson di instalasons di ilitrisidadi ô di jerason ki é ditirminadus pa DPU; kualker fontis nau finansiadu pa kontribuintis (donativus, subsidius, kontribuisons i legadus di fundus di divizon di guvernu federal, di stadu ô munisipal, ô di partikular, fundasons, etc.); ô rendimentus dirivadus di aplikason di montantis kreditadus pa fundu

⁷ Primeru avaliason ka é más di 0.1 pursentu di reseita operacional entri stadu dirivadu di vendas di sirvisus ilétrikus, konformi ta konsta di rilatóriu anual di kada inpreza ilétriku dentu di jurisdison di DPU. Un parti di kel avaliason li ta ser kreditadu pa fundu. Sigundu é un avaliason proporsional kontra kada inpreza di ilitrisidadi i gás baziadu na reseita operacional entri stadu dirivadu di vendas di sirvisus di ilitrisidadi i gás, konformi mostradu na rilatórius anual di kada inpreza di ilitrisidadi i gás dentu di jurisdison di DPU. Taxa di avaliason debi ser sufisienti pa produzi un montanti ka supirior \$3.500.000 anual pa apoia programa. Kada inpreza debi paga tudu dós valoris avaliadu na prazu di 30 dias a kontar di notifikason di avaliason di DPU.

⁸ Na un prusesu di tomada di disizon siparadu, kumison ô ofisial di audiênsia dizignadu pa prusidimentus di DPU ô ajenti atual dizignadu pa prusidimentus di EFSB debi konsidi statutu di intirvinienti pa pusível binifisiáriu. Resebi statutu di intirvinienti é un pré-rikizitu antis di divizon podi dizinbolsa fundus pa binifisiárius i kandidatus ki ta resebi un subsidius kondisional.

ser spisífiku i substansialmenti afetadu pa un prusesu.⁹ Indivídus ka é ilijível pa resebi finansiamentu di subsídus.

Sekson 82 di lei di klima di 2024 stabilisi siguintis kritérius mínimus di ilijibilidadi pa un kandidatu resebi finansiamentu: (i) falta di rikursus finanserus pa pirmiti kandidatu intirvini i partisipa na un prusesu na auzênsia di un subsídus; i (ii) si kandidatu ta intirvini antis na un prusesu antirior pa kriason di prugrama di subsídus di apoiu pa intirvinienti ô si partisipa di forma más signifikativu dés di ki prugrama foi kriadu. Munisípius ku un populason ménus ki 7,500 abitantis ki sta pidi un subsídus pa prusidimentus pa un instalason en partikular (grandi instalason di infrastruturas di enerjia linpu¹⁰ ô pikinoti instalason di infrastruturas di enerjia linpu¹¹) dentu di sés limitis é izentus di kel kritériu di ilijibilidadi li. Kritérius di ilijibilidadi adisional prupodu pa ikipa ta inklui: (iii) modi ki kandidatu ta prupoi kontribui substansialmenti pa prusesu, ki ta inklui dizinvolvimentu di rijistu; (iv) si kandidatu prupoi un planu ki ta da pa kunpri, fundamentadu i difinidu klaru pa partisipa na prusesu; (v) si kandidatu riprimenta un perspectiva úniku ka adikuadumentu riprimentadu pa otus partis na prusesu; i (vi) kuantia i razoabilidadi di fundus pididu i di itens orsamental prupostu.

⁹ Difinison di partis ilijível (i), (ii) i (iii) é di sekson 82 di lei klima di 2024.

¹⁰ "Grandi instalason di infrastruturas di enerjia linpu" ta rifiri pa instalasons di dijiston anaeróbiku, solar ô eóliku i strutura apoius asosiadus ku un abilidadi nominal di 25 megawatts ô supirior; sistemas di armazenamentu di enerjia ku un abilidadi nominal di 100 megawatts-ora ô más; i strukturas di transmison i distribuison ilétriku i infrastruturas ki ta involvi novus linhas di transmison ilétriku ku klasifikason di prujetu di 69 kilovolts ô más, ku 1 milha di kunprimentu ô más na un novu koredor di transmison, novus linhas di transmison ilétriku ku un klasifikason di prujetu di 115 kilovolts ô más, ku 10 milhas di konprimentu ô más na un koredor di transmison izistenti, "kualker otu novu infrastrutura di transmison ilétriku ki iziji isensons di zoniamentu" i "instalasons nisisáriu pa interliga enerjia eóliku offshore pa redi", sekson 57 di lei di klima di 2024.

¹¹ "Instalason pikinoti di infrastruturas di enerjia linpu" ta rifiri a instalasons di dijiston anaeróbiku, solar ô eóliku i strutura apoiu asosiadu ku un abilidadi nominal infirior 25 megawatts; sistemas di armazenamentu di enerjia ku abilidadi nominal infirior 100 megawatts-ora; i strukturas di transmison i distribuison ilétriku i infrastruturas na apoia ki ta involvi prujetus di rikonduson ô rikonstruson di linhas di transmison ilétriku, linhas di transmison ilétriku novus ô substansialmenti alteradu na un koredor di transmison izistenti ku menus di 10 milhas di kunprimentu, linhas di transmison ilétriku novus ô substansialmenti alteradu na un novu koredor di transmison ku menus di 1 milha di konprimentu, otus infrastruturas di transmison ilétriku ki ka iziji isensons di zoniamentu i otus prujetus di nível di distribuison ilétriku ki kunpra ditirminadus limitis, konformi ditirminadu pa dipartamentu di rikursus enerjétikus, sekson 23 di lei di klima di 2024.

C. Tenpu di pididu di subsidius i disizons

Formuláriu di pididu di subsidiu podi mandadu pa divizon asin ki prupunenti di prujetu aprizenta avizu.¹² di rijistu antisipadu i, ka más tardar, di prazu pa intirvini na un prusesu di DPU ô EFSB, konformi spisifikadu na avizu di prusesu. Divizon ta analiza inton pididu di subsidiu pa virifika si sta konpletu na prazu di 14 dias útil dipós di sé riseson i notifika kandidatu pa email si ten algun inkonsistencias. Kandidatu ta ten ti final di piríudu di kandidatura pa subsidiu ô ti pa data indikadu na email pa kuriji ivalent erus ô omisons. Sekson 82 di lei klima di 2024 ta autoriza diretor konsidera aprovason kondisional pa kandidatus, dés di ki aprovason ka ser dadu ti ki statutu di intirvinienti ser dadu. Divizon ta imitiba un ditirminason skritu di stadu di aprovason di konseson i di disizons di pagamentu pa tudu kandidatus, ki ta inklui kualker kandidatu ki ten resebidu un aprovason kondisional, na prazu di 30 dias dipós di prazu pa pididu di finansiamentu di intirvinienti.

D. Kuantia di finansiamentu dadu

Sekson 82 di lei di klima di 2024 ta stabilisi ki aprovason di subsidius pa un úniku prusesu DPU ô EFSB ka debi ixside \$150,000 pa kada parti i \$500,000 di finansiamentu di subsidius agregadu pa prusesu. Diretor ten puder diskrisionáriu di aumenta tantu kuantia aprovalu pa un binifisiáriu komu kuantia total konsididu pa un úniku prusesu DPU ô EFSB pur alén di kés máximus si for mostradu un bom kauza pa un binifisiáriu ô si tiver surjidu perguntas novus, orijinal ô konplexus¹³ na un prusesu dés di ki pididu di subsidiu foi mandadu. Sekson 82 tanbé ta autoriza diretor konsidera pusibilidadi di intirvinientis ki sta resebi finansiamentu partilha kustus atravez di kulaborason kuandu sés puzisons sta alinhadu.

E. Uzu ilijível i ka ilijível di fundus di subsidius

Sekson 82 di lei klima di 2024 ta difini uzu ilijível di aprovason di subsidius di fundu. Fundus podi ser uzadu pa kontrata akonselhamentu jurídku kualifikadi, spesialistas, ki ta inklui spesialistas kumunitáriu kualifikadu (pur izenplu, kontribuintis rizidensial i rizidentis ku

¹² Pa prusidimentus di EFSB, di akordu ku pruposta straw na rikizitus di konsulta i involvimentu rijistu antisipadu, pa grandis instalasons di infrastrukturas di enerjia linpu, prupunentis ta ser obrigadu manda un notifikason di rijistu antisipadu na mínimu 90 dias i na máximu 120 dias antis di aprizentason di pididu na EFSB. Pa pikinotis instalasons di infrastrukturas di enerjia linpu, prupunenti ta mandaba avizu préviu di arkiva ka menus di 90 dias antis di aprizenta pididu ku EFSB.

¹³ Putensial sirkunstânsias podi inklui prusidimentus di váriu anus, prusidimentus ki ta aborda múltiplus perguntas ô ten múltiplus rastus, un alterason substansial ki podi iziji otus tistimunhas spesializadus ô kuandu é identifikadu novus kistons ka diskritu na un pitison inisial.

ispiriênsia di vida) i konsultoris pa djuda na partisipason na prusesu.¹⁴ Ti dez pursentu¹⁵ di fundus di subsidius aprovalu pa binifisiáriu podi ser uzadu na kustus administrativus ka jurídkus, ka spesialisadu i ka di konsultoria asosiadus pa partisipason. Uzu ka ilijível di finansiamentu di subsidius ta inklui konpra ô leasing di ikipamentu, pulítika di lobby rilasionadu ku prujetu, kustus di publisidadi ô di marketing pa divulga opinion di kandidatu sobri prusesu i kustus pa rikori di disizons final di DPU ô di EFSB na un prusesu.

F. Formuláriu di pididu di subsidiu

Sekson 82 di lei di klima di 2024 ta iziji ki kandidatu prienxi un formuláriu di pididu di subsidiu. Rikizitus prupodu pa formuláriu di kandidatura pa subsidiu é: (i) un diklarason ki ta diskrevi anplitudi i ânbu di partisipason privizitu di kandidatu na un prusesu, na diskrevi modi ki fundus ta ser uzadu i modi ki kandidatu ta antisipa fazi un kontribuison substansial pa prusesu; (ii) un istimativu ditalhadu di kustus i onorárius di advogadus, konsultoris i peritus privizitus (ki ta inklui peritus kumunitárius) i di tudu otus kustus rilasionadus ku priparason pa partisipason na prusesu; (iii) informasons bázikus sobri advogadus, konsultoris, peritus (ki ta inklui peritus kumunitárius) ki kandidatu sta plania kontrata i sirvisus ki kada un ta presta pa; (iv) un diklarason ki ta diskrevi puzison i natureza di interesis ki kandidatu riprizenta, i un rizumu di perguntas i priokupasons ki fladu duranti riunions di konpromisu rijistu antisipadu, si aplikável; (v) kuantia di fundus pretendidu; (vi) un brevi diskrison di organizason ki ta pidi subsidius, natureza di trabadju di organizason i un narativa pa mostra ki partisipason na prusesu ta riprizenta un difikuldadi finanseru signifikativu¹⁶; i (vii) númeru di prusesu i lijenda di prusesu di prusidimentus antirioris di DPU i di EFSB en ki kandidatu partisipa na el, tantu antis komu dipós di stabilisimentu di fundu di apoiu pa intirvinienti, djuntu ku diskrison di partisipason na kada un. Un grupu ka konstituídu di indivíduus ki sta kandidata pa un subsidiu tanbé ten ki manda (viii) un autodiklarason ki ta inklui nomi i inderesu di tudu indivíduus di grupu ki sta pidi finansiamentu, númeru di voluntárius ô apoiantis adisional, si aplikável, i un narativa pa mostra nível di difikuldadi finanseru.

G. Pididu di pagamentu di subsidiu i rikizitus di konformidadi

Sekson 82 di lei di klima di 2024 ta iziji ki tudu pagamentus pa binifisiárius ser ifituadu pa fundu konformi aprizentason di un pididu di pagamentu di subsidiu pa binifisiáriu. Binifisiárius podi manda un pididu di pagamentu di subsidiu antisipadamenti, antis di kustus ser inkiridus, midianti prova di difikuldadis finanseru, ô pidi riembolsu di kustus várius bez duranti un prusesu, konformi kustus é inkiridus.

¹⁴ Partisipason di binifisiáriu debi sta dentu di ânbu di prusesu spisífiku.

¹⁵ Diretor podi inda disidi aumenta valor di subsidiu distinadu kustu administrativus supirioris dez pursentu.

¹⁶ Narativa debi inklui, si aplikável, númeru di funksionárius, orsamentu total di anu fiskal atual, númeru di mês di rizerva operacional disponível, fundus ka alokadus ô subsidius ki podi sta disponível pa intirvinson i formuláriu 990 na kazu di un organizason sen fins lukrativus ku statutu di izenson di inpostus federal.

Pididu di pagamentu di subsídus ta inklui informasons bázikus sobri binifisiáriu (pur izenplu, nomi, morada, dadus di kontatu), númeru di prusesu i título di prusesu, montanti di subsídus konsididu i fundus di subsídus resebidus ti pa data. Pa rienbolsus, pididus di pagamentu ta inklui tanbé ditalhis ditalhadus di dinheru gastu i di atividadis rializadu ku fundus, resibus i un prova di verasidadi di informasons mandadus. Pididus di pagamentu antisipadu ta inklui ditalhis ditalhadus di dispesas planiadu ku un brevi diskrison i faturas. Pagamentus di subsídus ta ser inisiadu na prazu di 30 dias a kontar di risizon di pididus di pagamentu di subsídus pa binifisiáriu ô un entidadi dizignadu pa binifisiáriu.

Sekson 82 di lei klima di 2024 ta iziji ki, na prazu di 30 dias a kontar di konkluzon di prusesu rilevanti, kada binifisiáriu manda un rilatóriu ta ditalha uzu di fundus duranti prusesu, kontribuison substansial di binifisiáriu pa prusesu i un dimonstrason di ki sés partisipason i uzu di finansiamentu ka atrazaba prusesu.

H. Isforsus di divulgason i monitorizason di métrikas di prugrama di subsídus di apoiu pa intirvinienti

Sekson 82 di lei klima di 2024 ta iziji ki direktor dizinvolvi i diriji un forti divulgason virtual i prizensial sobri prugrama di subsídus di apoiu pa intirvinienti pa iduka putensial binifisiárius i públiku sobri opurtunidades di finansiamentu, i pa dizinvolvi matirial idukativus asesível, multilinguis i na linguajen sinplis baziadus na web sobri prugrama, ki ta inklui formulárius i mudelus. Sekson 82 ta stipula tanbé ki rilatóriu anual di DPU ta diskrevi tudu atividadis di fundu, pur izenplu, dinheru konsididu, númeru di kandidatus i inpákitu i kontribuisons di intirvinientis pa prusidimentus di DPU i di EFSB.¹⁷ Kuandu prugrama sta ativu, divizon ta manti un webpage ku un rizumu di númeru di pididus di subsídus resebedu, prusesu rilasionadu, nomis di binifisiárius di subsídus i montanti di prémiu.

I. Rivizon di fundu di apoiu pa intirvinientis

Sekson 136 di lei di klima di 2024 ta iziji ki direktor analiza prugrama ti 1 di junhu di 2029 i da opurtunidade di kumentárius públiku pa ditirmina si prugrama i rigulamentus korispondenti debi ser alteradu.

¹⁷ Métrikas pa ser monitorizadu i rilatadu pa direktor ta inklui: “(i) kuantias kreditadus pa fundu, kuantias gastus di fundu i kualker saldu ka gastu; (ii) un rizumu di prusesu di pididu di subsídus di apoiu pa intirvinienti; (iii) númeru di pididus di subsídus resebedu, númeru i kuantia di prémius atribuidus i númeru di pididus di subsídus rijeitadus; (iv) númeru di intirvinientis ki partisipa na prusidimentus ku i sen apoiu di fundu; (v) un diskriminason di kustus inkiridus i di pagamentus fazedu pa binifisiárius; (vi) un avaliason di inpákitu i di kontribuison di binifisiárius na prusidimentus di dipartamentu i di konselhu; (vii) un rizumu di atividadis di idukason i istenson konduzidus pa divizon di partisipason públiku rilasionadu ku prugrama di subsídus di apoiu pa intirvinienti; (viii) i kualker mudansa rikumendadu pa prugrama.

IV. PIDIDU DI KUMENTÁRIUS DI PARTIS INTERESADU

1. Ki kritérius di Ilijibilidadi adisional debi ser konsideradu, si ten, pa ditirmina alokason di finansiamentu putensial binifisiárius? Modi é ki stóriku di intirvenson di un kandidatu na prusidimentus podi influensia ilijibilidadi pa finansiamentu pa prugrama?
2. Ki kritérius debi ser aplikadu pa ditirmina si intirvinientis podi partilha kustus atravez di kulaborason ku otus partis na un prusesu pa insentiva ifisiênsia di kustus i minimiza ridundânsia?
3. Kuandu é ki un intirvinienti apoiadu pa fundus debi konsigui ten finansiamentu ki ta ixsidi limiti máximu di finansiamentu di \$150,000 pa un prusesu? Ki sirkunstânsias podi ser kualifikadu komu “perguntas novus, inovadoras ô konplexus” ki podi justifika finansiamentu adisional?
4. Ten otus uzus ka ilijível di finansiamentu ki debi ser konsideradu?
5. Ki dukumentason ki DPP debi ta iziji ki kandidatus aprizenta pa mostra difikuldadis finanserus?
6. Kal ki é midjor manera di divulga ki finansiamentu di intirvinienti ta sta dispunível?
7. Ki rikursus informativus debi sta dispunível na website di divizon pa kês ki sta kandidata pa finansiamentu pa intirvinientis?
8. Debi ten un kuantia máximu di subsídus konsididu (pur izenplu, 75%) ki podi ser dadu antisipadamenti pa kenha ki ten difikuldadis finanserus, ô keli debi ser ditirminadu di forma di kazu a kazu?